

Zu Fisleben/ vnd an örtern in der nähe/ wann sie schifer die erdwachs in sich habendt/ rösten/ auß welchen das kupffer gmachtet wirdt/ so brauchen sie kein hauffen holz/ sonder gepundt reiser: vorzeitē warffendt sie sölicherley art stein als bald über die gepundt reiser/ die sie auß den schächten gezogen hattend/ vñ mitt disen also angezündt/ rösten sie jezunder: eben dise fürendt sie erstmalen über ein hauffen züsamen/ darnach ligendt sie darauff ein zeitlang/ daß sie der lufft vnd rege etlicher massen lindt mache/ als dan bey dem hauffen spreittendt sie die gepundt reiser/ vnd fürendt darein die nächste schiferstein/ darnach widerumb an ein lähr ort/ von welchem erstmalen die stein hingenomen seindt/ legendt sie die gepundt reiser/ vñ werffendt stein hinein/ die den ersten zum nächsten seindt/ daß thündt sie als lang/ Bis die stein alle zu dem endt/ auff die gepundt reiser gworffen seindt/ vñ ein hauffen werde: zülest zünden sie die gepundt reiser an/ aber nicht an disem teil da der windt wähet/ sonder am teil gesen über/ auff das nicht das feur vom gewalt des windts/ erregt/ die gepundt reiser ehe verzere/ dan die stein geröst/ vnd lindt werde: mitt welcher weiß zwar auch die stein/ welche dem gepundt nach seindt/ das feur an sich nemen/ vñ das selbige auch den nächsten mitteilen/ vnd dise widerumb den nächsten/ vnd brennet also der hauff gar oft bey dreissig/ oder mehr tagen/ hart aneinander. Aber der schifer gibt viel d matery von sich/ die ein eigē schafft hatt mitt feder weiß/ wie ich an ein anderen ort gesagt hab.

Ein hauff der schifersteinen A. Ein angezündter rost B.
Der schiferstein in die gepundt reiser gefüret C.



Aber das ärtz wirt darumb gepancket/ daß das ärtz/ von steinen vñ von dem schiferen